



*ქ. თბილისის მუნიციპალიტეტის საკრებულოს წევრის, ფრიდონ ინჯიას
ანგარიში*

(საანგარიშო პერიოდი: 14.11.2017-23.10.2018)

გზამკვლევი

- შესავალი;
- სტატუსი;
- ქ. თბილისის მუნიციპალიტეტის საკრებულოს სხდომებში, კომისიების მუშაობაში მონაწილეობა და მიღებული მნიშვნელოვანი გადაწყვეტილებები;
- სამუშაო შეხვედრები (საკრებულოს წევრის უფლებამოსილების ფარგლებში სახელმწიფო, ადგილობრივ და საერთაშორისო პირებთან ურთიერთობა, შეხვედრები ბიზნესის წარმომადგენლებთან, არასამთავრობო ორგანიზაციებთან და სხვა);
- სხვადასხვა ღონისძიებებსა და აქტივობებში ჩართულობა
- მივლინება/ოფიციალური ვიზიტები;
- განხილული კორესპონდენცია;
- მოქალაქეთა მიღება;
- დამატებითი ინფორმაცია;

საქართველოს ორგანული კანონის „ადგილობრივი თვითმმართველობის კოდექსი“-ის 88-ე მუხლის პირველი პუნქტისა და „ქალაქ თბილისის მუნიციპალიტეტის მერისა და ქალაქ თბილისის მუნიციპალიტეტის საკრებულოს წევრის მიერ გაწეული მუშაობის შესახებ ამომრჩევლებისთვის ანგარიშის წარდგენისა და ამომრჩევლებთან საჯარო შეხვედრების გამართვის წესის დამტკიცების თაობაზე“ ქ. თბილისის მუნიციპალიტეტის საკრებულოს 2015 წლის 30 ოქტომბრის №26-113 დადგენილების დანართი №2-ით დამტკიცებული წესის თანახმად, საკრებულოს წევრის ვალდებულებას ამომრჩევლების წინაშე წელიწადში ერთხელ 1-ლ ნოემბრამდე წარადგინოს გაწეული მუშაობის შესახებ ანგარიში.

დოკუმენტი წარმოადგენს ქ. თბილისის მუნიციპალიტეტის საკრებულოს წევრის, ფრიდონ ინჯიას მიერ 2017 წლის 14 ნოემბრიდან და 2018 წლის 31 ოქტომბრამდე შესრულებული სამუშაოს ანგარიშს.

2017 წლის 21 ოქტომბრს გამართული ადგილობრივი თვითმმართველობის არჩევნების შედეგების საფუძველზე, 2017 წლის 14 ნოემბერს, ქალაქ თბილისის მუნიციპალიტეტის საკრებულოს პირველი სხდომა გაიმართა, რომელზეც საქართველოს ორგანული კანონის „ადგილობრივი თვითმმართველობის კოდექსი“-ის 24-ე მუხლის „ბ.გ“ ქვეპუნქტისა და საკრებულოს №-1 განკარგულების შესაბამისად ცნობილ იქნა მე-6 მოწვევის საკრებულოს წევრთა უფლებამოსილება.

კომისიის წევრი

ქ. თბილისის მუნიციპალიტეტის საკრებულოს 2017 წ. 15 ნოემბრის №10 განკარგულებით ჯანმრთელობის დაცვისა და სოციალურ საკითხთა კომისიის, ასევე ეკონომიკური განვითარების საინვესტიციო პოლიტიკის და საერთაშორისო ურთიერთობების კომისიის წევრი.

ქ.თბილისის მუნიციპალიტეტის საკრებულოს სხდომებში, კომისიების მუშაობაში მონაწილეობის და მიღებული მნიშვნელოვანი გადაწყვეტილებების შესახებ ინფორმაცია

საანგარიშო პერიოდში (14.11.2017- 23.10.2017) ქალაქ თბილისის მუნიციპალიტეტის საკრებულოს სხდომაზე ფრიდონ ინჯიას თანამონაწილეობით, ქალაქ თბილისის მუნიციპალიტეტის საკრებულოს მიერ მიღებულია 258 გადაწყვეტილება.

ფრიდონ ინჯია (2017 წლის 14 ნოემბრიდან - 2018 წლის 2 ოქტომბრის ჩათვლით) დაესწრო საკრებულოს 21 სხდომას.

ქალაქ თბილისის მუნიციპალიტეტის საკრებულოს მიერ მიღებული, დედაქალაქისთვის მნიშვნელოვანი გადაწყვეტილებები:

2017 წლის 15 დეკემბრის ქალაქ თბილისის მუნიციპალიტეტის საკრებულოს მიერ დამტკიცდა (დადგენილება-№ 6-8, 15 დეკემბერი, 2017წ.) დედაქალაქის მთავარი ფინანსური დოკუმენტი,

ქალაქ თბილისის მუნიციპალიტეტის 2018 წლის ბიუჯეტი, რომელიც შედგენილია თბილისის მოსახლეობის მოთხოვნებისა და პრიორიტეტების გათვალისწინებით.

აღსანიშნავია, რომ დედაქალაქის ახალი მთავრობის მიერ წარმოდგენილი 2018 წლის ბიუჯეტი, სადაც გათვალისწინებული იქნა საკრებულოს ახალი მოწვევის შენიშვნები დამტკიცდა 861 609,0 ათასი ლარით, რაც წარმოდგენილი ბიუჯეტის პირველ ვარიანტთან შედარებით (N12-031731434-03, 10.11.2017წ.) 46 398,9 ათასი ლარით მეტია. ბოლო ცვლილებით დედაქალაქის ბიუჯეტი შეადგენს: 916 863,6 ათას ლარს.

2018 წლის ბიუჯეტის ძირითადი პრიორიტეტები:

- სატრანსპორტო ინფრასტრუქტურის მშენებლობა-აღდგენა - 130 531,3 ათასი ლარი;
- ინფრასტრუქტურული ობიექტების მშენებლობა - 195 642,1 ათასი ლარი;
- ეკოლოგიური მდგომარეობის შენარჩუნება და გაუმჯობესება - 88 089,3 ათასი ლარი;
- ჯანდაცვა და სოციალური უზრუნველყოფა - 189 539,5 ათასი ლარი;
- განათლება - 117 445,6 ათასი ლარი;
- კულტურა, სპორტი და ახალგაზრდობა - 28 954,0 ათასი ლარი;

პრიორიტეტული მიმართულებები- სატრანსპორტო ინფრასტრუქტურის მშენებლობა-აღდგენა.

ქალაქ თბილისის მუნიციპალიტეტის საკრებულოს 6 მარტის №36 განკარგულებით, თანხმობა მიეცა დედაქალაქის მთავრობას და თბილისის მერის მიერ ხელი მოეწერა ევროპის რეკონსტრუქციისა და განვითარების ბანკს შორის ავტობუსების ქსელის რეკონსტრუქციისა და ინტეგრირებული ავტომატიზირებული მგზავრობის საფასურის შეგროვების სისტემის შესამუშავებლად საგრანტო ხელშეკრულებას.

პროექტი 4 წლის განმავლობაში განხორციელდება და მისი მთლიანი ღირებულება 800 ათასი ევროა, საიდანაც 500 ათასი ევროკავშირის, EBRD-ს გრანტია, ხოლო 300 ათასი თბილისის ბიუჯეტიდან დაფინანსდება. 4 წლის განმავლობაში დადგენილია:

- 2019 წლის ბოლომდე სრულად ჩანაცვლდება დღეს არსებული ე.წ. ყვითელი ავტობუსები;
- 2020 წლიდან მუნიციპალური ავტობუსების რაოდენობა 900-მდე გაიზრდება;
- ყველა ახალი ავტობუსი ასევე, აღიჭურვება უფასო ინტერნეტით;
- 2020 წლიდან სრულიად ახალი სტანდარტის, 18-მეტრიანი 200-მდე ელექტროავტობუსის შემოყვანა;

ხელმოწერილი საგრანტო ხელშეკრულებით საერთაშორისო ტენდერში გაიმარჯვა ფრანგულმა კომპანიამ „სისტრა“-მ, რომელიც ავტობუსების ქსელის რესტრუქტურირების დეტალურ გეგმას 15 თვეში წარმოადგენს.

ეკოლოგია

ეკოლოგიური მდგომარეობის გაუმჯობესების ფარგლებში მიმდინარეობს შესაბამისი სტრატეგიისა და სამოქმედო გეგმის შემუშავება.

- დაიწყო ნარჩენების მმართველის სტრატეგიის შემუშავება;

დოკუმენტი ასოცირების ხელშეკრულების ვალდებულებებს დაეფუძნა და საფუძველს ჩაუყრის ნარჩენების სეპარირებისა და აღდგენის სისტემის ჩამოყალიბებას.

- განხორციელდა არსებული მწვანე სივრცეების აღდგენა;
- 2018-2020 წლებში განხორციელდება ქალაქის ტერიტორიაზე არსებული 9 დიდი პარკის სრული რეაბილიტაცია;
- მიმდინარეობს ვაკის პარკისა და ვერის ბაღის პროექტების სატენდერო დოკუმენტაციის მომზადება;

მიმდინარეობს კერძო კომპანიებთან აქტიური კომუნიკაცია, რათა გაიზარდოს მათი ჩართულობა მწვანე სივრცეების განვითარების მიმართულებით.

- სააკადისა და გმირთა მოედნებზე მოეწყო მწვანე კუნძულები.

ეკოლოგიური მდგომარეობას მკვეთრად გააუმჯობესებს ახალი ავტობუსების შემოყვანა და გამართული ტაქსების მოძრაობა.

ჯანდაცვისა და სოციალური უზრუნველყოფის მიმართულება

ქ. თბილისის მუნიციპალიტეტის ბიუჯეტით გათვალისწინებული **სოციალური დაცვის** ქვეპროგრამების განხორციელების წესის შესაბამისად ხორციელდება სხვადასხვა სოციალური პროგრამები:

- სოციალურად დაუცველ ოჯახებში ყველა ახალშობილზე ერთჯერადი დახმარების გაცემა;
- სოციალურად დაუცველი ოჯახებისათვის მე-3, მე-4, მე-5 და მეტი შვილის დაბადებისათვის ერთჯერადი მატერიალური დახმარების გაცემა;
- 100 წელს მიღწეულ მოქალაქეთათვის ერთჯერადი დახმარების გაცემა;
- სოციალურად დაუცველი მრავალშვილიანი ოჯახებისათვის 18 წლამდე ასაკის თითოეულ ბავშვზე ყოველთვიური დახმარების გაცემა;
- სოციალურად დაუცველი 18 წლამდე შშმ პირების და სოციალურად დაუცველი მკვეთრად შშმ უსინათლო პირების დახმარება;
- უფასო სწავლება მოსწავლე ახალგაზრდობის სახლებში და სასახლეში;
- უფასო სწავლება ხელოვნებისა და სპორტ სკოლებში, სპორტ სკოლებში.

ჯანმრთელობის დაცვის ქვეპროგრამები ხორციელდება შემდეგი მიმართულებებით:

- დაავადებათა სკრინინგი;
- გადამდებ და არაგადამდებ დაავადებათა ეპიდემიოლოგიური კონტროლი;
- აუტიზმის სპექტრის დარღვევის მქონე ბავშვთა რეაბილიტაცია;
- „C“ ჰეპატიტის დიაგნოსტიკა;

- ბუფერის კიბოს სამკურნალო მედიკამენტების დაფინანსება;
- ფსიქიკური ჯანმრთელობის სათემო მომსახურება.

აგრეთვე, ბიუჯეტით გათვალისწინებულია „სამედიცინო და სხვა სოციალური საჭიროებების დახმარების ღონისძიებები, რაც გულისხმობს:

- სამედიცინო მომსახურებას;
- მედიკამენტების დაფინანსებას;
- შინმოვლის მომსახურების დაფინანსებას და სხვა.

პრიორიტეტულ ჯგუფებს მიეკუთვნებიან სოციალურად დაუცველი ადამიანები 200 000 და ნაკლები ქულით, ვეტერანები, მარჩენალდაკარგული პირები, შშმ პირები, საპატიო მოქალაქეები, პირები, რომლებიც არ სარგებლობენ ჯანდაცვის სახელმწიფო პროგრამით.

ეკონომიკის განვითარების ფარგლებში განხორციელდა „ღამის ეკონომიკის“ საპილოტე პროექტი

კომისიური მუშაობა

ჯანმრთელობის დაცვისა და სოციალურ საკითხთა კომისია

კომისიას ჩატარებული სხდომებზე განხილულია განკარგულების და დადგენილების პროექტები, რომელზეც ფრიდონ ინჯია (2017 წლის 17 ნოემბრიდან - 2018 წლის 2 ოქტომბრის ჩათვლით) დაესწრო 18 სხდომას და მონაწილეობა მიიღო ყველა განკარგულებისა და დადგენილების პროექტის განხილვაში.

ეკონომიკური განვითარების საინვესტიციო პოლიტიკისა და საერთაშორისო ურთიერთობების კომისია

2017 წლის 15 ნოემბრის N10 განკარგულებით დამტკიცდა კომისიის შემადგენლობა, კომისიას ჩატარებული სხდომებზე განხილულია განკარგულების და დადგენილების პროექტები, რომელზეც ფრიდონ ინჯია (2017 წლის 17 ნოემბრიდან - 2018 წლის 2 ოქტომბრის ჩათვლით) დაესწრო 9 სხდომას და მონაწილეობა მიიღო ყველა განკარგულებისა და დადგენილების პროექტის განხილვაში.

სამუშაო შეხვედრები

➤ **სამუშაო შეხვედრა საკრებულოს დეპუტატებთან;**

ფრიდონ ინჯიას ინიციატივით, პრიორიტეტების განხორციელების ხელშეწყობის მიზნით სამუშაო შეხვედრა ხშირად იმართება საკრებულოს ხელმძღვანელ პირებთან და ხდება არსებული საჭიროებების შესახებ წინადადებები მიწოდება. აღნიშნული რეკომენდაციები განსახილველად თბილისის მერიას, გამგეობებსა და სამინისტროებს ეგზავნათ.

➤ **სამუშაო შეხვედრა თბილისის გენგეგმის პროექტთან დაკავშირებით**

მიმდინარე წლის აგვისტოს თვეში გამართულ ქ.თბილისის მუნიციპალიტეტის საკრებულოს ინიციატივით დედაქალაქის მიწათსარგებლობის გენერალური გეგმის პროექტის თაობაზე სამუშაო შეხვედრა გაიმართა. სადაც მონაწილეობა მიიღო და მხარი დაუჭირა გენგეგმის პროექტს.

მივლინებები/ ოფიციალური ვიზიტები

საკრებულოს წევრი ფრიდონ ინჯია საკრებულოდან მივლინებით რაიმე საერთაშორისო ღონისძიებაზე არ ყოფილა

განხილული კორესპონდენცია

საანგარიში პერიოდის მანძილზე ფრიდონ ინჯიას აპარატში შემოვიდა 500 მდე მასალა/კორესპონდენცია. მათ შორის არის საკრებულოს სხდომაზე განსახილველი 219 მასალა; კომისიაში შემოსული 56 წერილი და საკრებულოს სხვადასხვა კომისიიდან თუ განყოფილებიდან მიღებული 12 წერილი და სხვა კორესპონდენცია

რაც შეეხება გასულ კორესპონდენციას ჯამში შეადგენს 50 მდე. მათ შორის აპარატის მიერ მომზადებული და გარე უწყებებში გაგზავნილი წერილების რაოდენობა შეადგენს 23-ს, ხოლო საკრებულოს შიდა უწყებებისთვის გაგზავნილი წერილების რაოდენობა 27-ს.

მოქალაქეთა მიღება;

ფრიდონ ინჯიას აპარატის მიერ რომელიც ყოველდღიურად ხორციელდება მოქალაქეებთან შეხვედრა, საანგარიშო პერიოდში შედგა **180-მდე** მოქალაქესთან, რომლებსაც შესაბამისი დახმარება/კონსულტაცია გაეწიათ. ასევე განხორციელდა სატელეფონო კონსულტაცია და დაინტერესებულ მოქალაქეებს განმარტებები მიეცათ.

დამატებითი ინფორმაცია

- **საქმიანობის გაშუქება**

კომისიის მიერ განხორციელებული აქტივობების შესახებ ყველა ინფორმაცია ქვეყნდება “Facebook” გვერდზე და მის მართვას უზრუნველყოფს აპარატი. გარდა ამისა, საკრებულოს პრეს-სამსახური უზრუნველყოფს სხვადასხვა აქტივობის ამა თუ იმ ფორმით გაშუქებას.

დეპუტატის საქმიანობას უზრუნველყოფს აპარატი, რომლის ფუნქცია/მოვალეობებში შედის სამართლებრივი აქტების პროექტების მომზადება და განხილვა, ამ პროექტებზე შენიშვნების, წინადადებების და დასკვნების მომზადება, ღონისძიებებისა და მოქალაქეთა მიღების ორგანიზება, საკონსულტაციო და ტექნიკური საქმიანობის უზრუნველყოფა და სხვა.